



BOSNIA AND HERZEGOVINA
MINISTRY OF FINANCE
AND TREASURY

Broj: 05-16-2-7582-1/24
Sarajevo, 17.12.2024. godine

Na osnovu člana 11. Zakona o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12, 87/12, 32/13 i 38/22), ministar finansija i trezora Bosne i Hercegovine, donosi

I N S T R U K C I J U
O PRIVREMENOM FINANSIRANJU INSTITUCIJA BOSNE I HERCEGOVINE ZA
PERIOD JANUAR - MART 2025. GODINE

Član 1.
(Predmet Instrukcije)

Ovom Instrukcijom utvrđuje se iznos sredstava za privremeno finansiranje u periodu januar - mart 2025. godine za izvršavanje nadležnosti institucija Bosne i Hercegovine, regulira se raspored rashoda po budžetskim korisnicima, način realizacije višegodišnjih projekata i programa posebne namjene, te nadležnost za realiziranje Instrukcije.

Član 2.
(Visina sredstava za privremeno finansiranje)

- (1) Privremeno finansiranje institucija Bosne i Hercegovine za period iz člana 1. ove Instrukcije utvrđuje se na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godinu („Službeni glasnik BiH“, broj 50/24).
- (2) Za finansiranje institucija Bosne i Hercegovine u periodu januar - mart 2025. godine odobravaju se sredstva u iznosu do 338.850.000 KM, što predstavlja 1/4 sredstava odobrenih za finansiranje institucija Bosne i Hercegovine u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine za 2024. godinu.

Član 3.
(Raspored rashoda po budžetskim korisnicima)

- (1) Raspored rashoda po budžetskim korisnicima za period iz člana 2. ove Instrukcije Ministarstvo finansija i trezora Bosne i Hercegovine (u daljnjem tekstu: Ministarstvo) izvršit će na način da osigura obavljanje aktivnosti budžetskih korisnika u skladu sa njihovim zakonskim nadležnostima, a u okviru ukupnog iznosa utvrđenog članom 2. stav (2) ove Instrukcije. Prilikom usaglašavanja operativnih planova između budžetskih korisnika i Ministarstva za prvi kvartal, korisnici su dužni pripremati operativni plan u skladu sa vlastitim potrebama u prvom kvartalu 2025. godine, a maksimalno do iznosa ¼ pojedinačnih budžeta iz prethodne godine, s tim da pojedinačne ekonomske kategorije ne moraju predstavljati ¼ rashoda na svakoj od istih.

- (2) Raspored rashoda na stavci Direktni transferi sa Jedinstvenog računa trezora – stavka 9999- podstavka 1 utvrđenih Zakonom o budžetu institucija Bosne i Hercegovine i međunarodnih obaveza Bosne i Hercegovine za 2024. godinu, vršit će se u skladu sa dospijećem obaveza po pojedinim stavkama.
- (3) Korištenje tekuće rezerve iz člana 3. tabela 3. stavka 9999-2, podstavka 1 - Tekuća rezerva, utvrđene Zakonom o budžetu institucija Bosne i Hercegovine i međunarodnih obaveza Bosne i Hercegovine za 2024. godinu vršit će se u skladu sa članom 17. Zakona o finansiranju institucija Bosne i Hercegovine (u daljnjem tekstu: Zakon o finansiranju), a najviše do 1/4 tekuće rezerve iz člana 3. tabela 3. stavka 9999-2, podstavka 1.

Član 4.

(Višegodišnji projekti i programi posebne namjene)

Nastavak realizacije višegodišnjih projekata koji su usvojeni u budžetima prethodnih godina, kao i programa posebnih namjena vršit će se iz sredstava koja su prenesena u skladu sa članom 14. Zakona o finansiranju, odnosno osigurana namjenskim donacijama i drugim namjenskim sredstvima.

Član 5.

(Sačinjavanje operativnih/dinamičkih planova)

- (1) Budžetski korisnici dužni su Ministarstvu najkasnije do 15.1.2025. godine podnijeti prijedloge operativnih/dinamičkih planova za januar, februar i mart 2025. godine za tekuće rashode (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za prvi kvartal 2025. godine ne može biti veći od 1/4 sredstava odobrenih u Zakonu o budžetu institucija BiH i međunarodnih obaveza BiH za 2024. godinu za rashode budžetskih korisnika.
- (2) Obavezuju se korisnici da rasporede rashode po prioritetima izvršenja, s tim da će Ministarstvo, s obzirom na ograničenost priliva prihoda, izvršiti raspored rashoda u skladu sa prioritetima izvršenja definiranim u članu 18. Zakona o finansiranju. Budžetski korisnici ne mogu započinjati nove ili proširene programe i aktivnosti dok se ne odobre u Budžetu institucija Bosne i Hercegovine za 2025. godinu.
- (3) Dinamičke planove (tabele) korisnici će popuniti u skladu sa „Instrukcijom o načinu izrade operativnih planova za izvršenje Budžeta institucija Bosne i Hercegovine za 2024. godinu i o načinu praćenja programa posebnih namjena“ koja je objavljena na internet stranici Ministarstva www.mft.gov.ba.
- (4) Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva sredstava u toku 2025. godine. U skladu sa članom 14. Zakona o finansiranju, nerealizirani programi posebnih namjena finansirani iz namjenskih sredstava i nerealizirana sredstva na ime višegodišnjih kapitalnih projekata prenesenih u 2025. godinu, finansirat će se do iznosa prenesenih, a neutrošenih namjenskih sredstava.
- (5) Izvršenje Budžeta institucija Bosne i Hercegovine u dijelu rashoda operativno će se usklađivati s dinamikom ostvarenja prihoda predviđenih Budžetom.
- (6) Obavezuju se budžetski korisnici da uz zahtjev dostave elektronsku verziju sa skeniranim potpisanim i ovjerenim tabelama operativnog plana za period januar - mart 2025. godine i obrazloženjima istog.

Član 6.
(Nadležnost za realizaciju)

Za realizaciju ove Instrukcije zadužuje se Ministarstvo i institucije koje se finansiraju iz budžeta, u skladu sa odredbama i procedurama utvrđenim u Zakonu o budžetu institucija Bosne i Hercegovine i međunarodnih obaveza Bosne i Hercegovine za 2024. godinu i Zakonu o finansiranju institucija Bosne i Hercegovine.

Član 7.
(Stupanje na snagu)

Instrukcija stupa na snagu danom donošenja i primjenjuje se počev od 1. januara 2025. godine, a sastavni dio iste su tabele operativnih/dinamičkih planova budžetskih korisnika za period januar - mart 2025. godine (Tabele 1-4).

